

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

四庫全書存目叢書補編

齊魯書社出版

中國東方文化研究會歷史文化分會策劃
四庫全書存目叢書補編纂委員會編纂
北京愛如生文化交流責任有限公司贊刻

齊魯書社出版

四庫全書存目叢書補編

第九八冊

補編第九十八冊目次

天遠樓集二十七卷

〔明〕徐顯卿撰
臺灣漢學研究中心藏明萬曆刻本

.....一

靈護閣集八卷

〔明〕湯兆京撰
臺灣漢學研究中心藏明萬曆刻本

.....四四二

天遠樓集二十七卷

〔明〕徐顯卿撰

臺灣漢學研究中心藏明萬曆刻本

附《四庫全書總目·天遠樓集二

十七卷》提要

天遠樓集總目錄

第一帙

卷之一

賦

頌

卷之二

五言古詩

第二帙

卷之三

七言歌行

雜言

卷之四

五言律詩

卷之五

七言律詩

第三帙

卷之六

七言律詩

卷之七

五言排律

七言排律



卷之八

五言絕句

七言絕句

第四帙

卷之九

序

卷之十

序

第五帙

卷之十一

序

卷之十二

序

卷之十三

碑

第六帙

卷之十四

墓誌銘

卷之十五

墓誌銘

第七帙

卷之十六

墓誌銘

卷之十七

墓表

第八帙

卷之十八

傳

卷之十九

行狀

第九帙

卷之二十

程論

程表

卷之二十一

館課

卷之二十二

贊	書事	第十帙	卷之二十三	祭文	卷之二十四	祭文	第十一帙	卷之二十五	尺牘	第十二帙	卷之二十六	尺牘	卷之二十七	族譜	天遠樓集總目錄
---	----	-----	-------	----	-------	----	------	-------	----	------	-------	----	-------	----	---------

天遠樓集目錄	卷之一	賦	大閱賦	登岱賦	頌	嶽頌	皇極殿賦	卜居賦
--------	-----	---	-----	-----	---	----	------	-----

天遠樓集卷之一

吳郡徐顯卿公望著

賦

大閱賦

惟明十世歲紀屠維巍乎紹萬億禩之大統煒兮
膺五百載之昌期化婉玄黃仁浹黔黎寰宇寧而
金甌鞏太階平而玉燭熙風移俗易文恬武嬉于
時 聖皇方拱玄象運無爲翻然振作惕爾興思
乃召大司馬而申勅有司揀吉日協靈時備國容

整軍儀親臨萬乘躬統六師以行大閱之禮而講
事焉寔綏邇讐遠之長策居安防危之彛規也
上乃登雲霞六龍之輦擎日月九旂之旗擁虹霓
翠華之蓋秉暈翟表絕之麾駕赤虬駟紫螭千騎
逸萬馬嘶陳三千之兕鎧羅百萬之雄貔灼灼爍
爍旒輿旖旎而逶迤隱隱約約兵車駉轢以陸離
爾其闐闐維沓郊曠奔隨冠蓋混跡耆稚兼窺外
若文身繡面辨髮雕題沮顏焦齒之國貫胸黔首
之夷靡不婆娑嘔吟讚嘖嘖而歎嘻嘻閱禮甫竣

時有觀兵遠裔者匍匐而前致辭于覲德近臣曰
裔乃荒外之鄙夷也三皇不能臣五帝不能羈裔
聞命吾國老耆曰二曜流禧五緯炳祺海不揚波
醇風遠吹蓋三年于茲矣意者中國有聖人出而
繼治歟盍往觀乎是以不憚梯航而涉遠來斯今
者幸獲俯伏道左仰見威儀然心驚膽悸目眩神
移誠不能竊覲萬一也天朝大夫履金門陟玉墀
覲德輝而飡道腴有年矣盍鋪張盛績黼黻華詞
俾傳布海域磅礴島夷威稜振于有截光耀流于

無涯于時近臣聞而暢然曰吾聞王臣封疆之外
法不交私殿陛之側禮不踰辭然爾既職貢則固
聖天子之裔臣也況普海內外咸得而觀光矣余
何忝于爾爲第妙算之淵微聖武之神奇誠有不
得而颺言者姑舉衆所共覲者略而陳之粵若
皇明之握乾符而總坤維也我 太祖高皇帝創
始之轟雷電震風霆淨沙漠掃膻腥霍揮八極昭
曠九溟氛霾闢而日月光犬羊斥而華夏寧欽若
成祖載震皇靈肆伐獫狁三犁虜庭築河湟而受

降登燕然而勒銘天錫吾皇乃武乃文乃聖乃神茲將振二祖在天之遺烈立百王御世之常經爾獨不見昊穹之佑斯行乎是日也日吉時良天朗氣清綺雲郁麗碧落流晶雨師灑道蜚廉啓程屏翳歛靈靈潛聲太乙翼轅蚩尤捧旌應龍警蹕夸父旋衡山靈護野方岳守營榮八神而鎮攝九壘役六甲而奔走五丁左蒼老右皓嫫前赤融後玄精屬堪輿以壁壘伏勾陳使當兵詔招搖而倚蓋召太陰俾先征捎魑魅而斬獠狂扶夔魍而辟神耕殄女魍而殲畢方隱旄頭而匿鏡搶與賴爲之開豁巖岳爲之崢嶸上乃乘景運應休明順天道協輿情寔于是日而電發霆征焉爾縱無識寧不見昊眷之赫赫明明乎裔乃顚然翹首而歎曰猗歟庶哉裔聞得天者昌中國聖人真膺天命而挺生者歟何是日百神擁衛而諸瑞駢臻也裔願悉心而謹聆焉近臣曰吾皇之宅天地也穹窿作居瀛海爲寰北極紫漠南控百蠻扶桑啓其東戶崦嵫障其西開表以萬疊之河山阻以百

二之重關然後規方千里而定鼎幽燕其時臨而大閱也都城之背則有演武之場在焉盤盤桓桓翩翩蹀躞由大內經安定而北涉也通衢輦轂坂坻蟬聯兼馳並駟駢轂交駟瀚渤左繞鍾其淵太行右峙聳其巔金城前亘千雉萬堞崔巍而壁列居庸後枕層峰疊嶂環拱而勾纏其名山則楠木崆峒龍爬婉孌博麓礪礪康居壇墁窄峇峇律喀咤隆單脊刺刺其矗雲鞠鬼鬼其薄天崆峒截薛而成獻峻屹交道以迤邐其巨川則洪濤瀾汗萬頃洄洄長波沿滌百折迤漣漣流瀟瀟沈瀟恢漫玉泉瀉瀑瀆其隈金水伏流淙其連環營合壁而盤盪周匝衿畿帶甸而淪滴迂旋其中則涵浩浩之平沙滄汨汨之宏沚翔鳶飛而怯彈逸騎驟而驚鞭于是練以周垣堠以重垣連墩接塹深溝峻堧濬百葦之廣池窮劫灰以倣昆明累千仞之危峰迫霄漢以象祁連彼區區校藝於長楊講武于驪山者曾何足以擬今日之萬一焉裔乃躊躇四顧曰猗歟險哉裔聞得地者強險也若此真天造

地設以俟聖世者歟所謂天下有道守在四夷者歟形勝則裔聞命矣敢問軍旅之家可得而言歟近臣曰烈烈吾皇神武莫當車軾怒蛙輪迴鉤狼熊羆之士雲集鵬鶚之旅颺颺桓桓糾糾矯矯昂昂內焉五軍督閫之統攝外焉九邊各塞之隄防散而爲七十二衛之拱列練而爲一十二營之精良其侍衛則錦衣發旗手彪翎金吾森嚴羽林徜徉飛熊兮虎賁豹韜兮鷹揚天策神策之簡拔武功武成之剔敷勇猛則英神廣武超躍則龍

騰武驤其團營則神機神鎗應宿而分方立威振威列隊而成章其聽操而候調者則鎮南橫海富峪廣洋連城有蔚會濟州跨郡有和濟瀋陽趙代之忼慨雄剛秦隴之勇悍勁強宣大之習練邊疆遼薊之捍禦強梁誠版籍之不能紀載營屯之不能盡藏噓氣蒸雲流汗成漿指顧風生回眺星芒聖天子以此衆戰何虞乎奸宄之竊發何慮乎夷虜之猖狂裔乃凝眸睥睨望撫然而自失曰荷歟庶哉裔聞得人者王中國之衆濟濟踴踴宜乎臣妾

九有而包舉八荒也然士卒賴馬以戰其物色可得聞歟近臣曰天子之馬爲駉爲龍列八百牧於外廐立十二閑於內宮齊毫空汧渭之良逸足進地窟之雄汗血來大宛之域神驥產渥水之中果下貢穢夷之國元駟獻華陽之封迺若驊騮駉駉白儀青葱踰輪轡膝山子小戎浮雲赤電絕影嘶風纖驪接趾秀騏連驥綠蛇駉衡紫燕飛空八駿九逸之驃十絕千里之駭爾其驤首蹀足獨突羣神霜蹄躡躡蹀毛毳蒙茸時螭屈以奔鯨倏聳躍而驚鴻有駉有騏有驥有駉若瀑練燦若騰虹黑若黔漆煙鎖雲濛赤若臙脂霞蒸日烘彌山漫墅塞谷填徑駒不服鞍靴不給庸于是飾以金羈絡以琬籠寶絞星纏鏤章霧滃鳴珂瑯瑯和鑾雖離樊纓耀首錦韉鉤胸孫陽相其後先韓哀控其西東纖阿造父縱騁而執其靶秦缺樓季錯奕而道其踪服御調良驟驚從容聞鼓聲而獵漢騰霄聆金號而喋血獻功聖天子之大閱實以此騎何強敵之不可衝而堅城之不可攻也裔乃上視

中塵下視蹄跡茫洋而歎曰猗歟良哉喬聞君
之富數馬况巍巍萬乘之主耶則其馳騁無
獨步天衢也不亦宜耶天駟之夥且良已知之矣
兵革之堅利又何如近臣曰武庫之藏吾不得而
窺矣吾於演武之地諸將士之所執負者略得而
彷彿焉爾其銛鍛利鋌攫斧鈎鐃琫戈畫戟短槊
長鏢其刀劒則干將鎮鄒純鈎豪曹白虹紫電流
星明霄龜文龍藻雕蚌飾鯨越之巨闕魯之孟勞
楚之湛盧周之赤刀精光射斗殺氣凌霄陸搏獅

虎水斷虬蛟其弓矢則六射孔良七合和調屈以
海犀之角交以山麋之膠青檀黑幹越棘楚桃玉
珪金銑象弭蜃珧加以誓附飾以雲簫幹以汾胡
之笥括以鵠駕之翽砥以肅慎之鏃礪以關西之
鉸橫洞挺鹿仰貫飛鷗其甲冑則犀革七屬環鎧
重彫釭鍛宛轉兜鍪天蟠凌層寶嵌錯落金銷組
鉅捍頸索縶蒙腰其烽炮則狼機鳥嘴鐵甕銅標
轉石成雷發焰飛颺礮礮激以增響磅砵礮而旬
歛雖山嶺之嵩高谿谷之逶迤中之者靡不粉碎

爛之者無不形焦此皆中國之長技所以控禦乎
天驕于是乎 聖皇左秉黃鉞右麾白旄鎧垂金
鎖弓挽烏號佩太阿步光之劒帶昆吾削玉之刀
親總旗鼓而招搖六師焉彼角弓木矢安足以逞
其驍而毘裘狼毒徒東闕之梟而已喬矚視曰中
國之兵革可謂集四方之精兼百代之良矣然米
粟貨財寔兵所資喬聞行兵十萬日給千金况天
王親率百萬之師以耀武乎其積畜之富竊願聞
焉近臣曰 聖皇以四海爲家而藏富于民爾不

親吳會之區荆湘之濱秦嶺之岐曲巴蜀之峨岷
周鄭之秦洧齊魯之濟汶三江五湖之浦八閩九
桂之潯町曠畝阡陌畦畝經略有則浩漫無垠
崛如羊角比若魚鱗耒耨耕耘往來紛績手胼足
胝鋤齒礪礪築園登場輪輪困困舳艫相銜輜輳
相湄河漕相接輓輸相臻輻輳畿甸累歲連旬巨
厥克拓太倉堆屯升新續舊相因陳陳香不知其
爲幾百年之儲蓄而一倉一廩之積亦足以食千
百萬人也乃若鄱陽之湯金涪水之紋銀錦貝象

齒拱壁奇珍照車走盤駭雞辟塵珥璿天球琤玲
瓊瑱珪璋特達赤瑛紫璘貢彼千閭產自崑崙與
夫青蚨鵝眼周廓厚輪九府五銖朽貫絕繆爾其
吳綾蜀錦越縉魯純水蠶素絲獨繭單綸積如丘
山委若蒿薪克盈內帑燦爛輝形以此而資將士
賞三軍孰有不效歟而捐軀命者乎裔曰猗歟富
哉天王富有四海兵革堅矣馬匹良矣食貨康矣
兼此以演習大旅其龍韜豹略布置于戰陣者又
將何如耶近臣曰韜略之秘吾固不得而知亦不

得爲爾言矣爾獨不見 聖天子戰陳行伍之奇
偉乎吾 皇應時日之庥禎乘地勢之編平擁軍
旅之盛強耀兵甲之精明控驃騎之駿逸出積聚
之美羸于是闔戰轡鷁星陳天行肅肅習習幹幹
麟麟遂集乎演武之場駢部曲結徒營列校隊張
轅門陳師鞠旅誓衆分屯次和樹表扎寨駐輦中
軍傳令司鐸授鉦鼓靈鼉之嘈獸擊巨金之鏗鉦
三令五申示戮斬牲五步六步止以齊盟結天地
風雲之體勢按木火金水之殺生運蛇盤鳥翼之

變化應鵝鵠魚麗之焚更幹乾轉坤旋之機軸法
箕張翼舒之縱橫排六花以列勢依八陣而行兵
布四門以營守并五路而進征千弦夾控萬弩連
榜旌旗交映劒戟齊鳴虛實相變奇正相生步武
相接擊刺相并什伍相連步騎相衝勇怯相和膂
力相勑不疾不徐不震不驚踈容轉馬密僅通行
圓若走盤方若連城曲若水繞直若繩縈急若雨
驟標若風輕屯若蜂集聯若鴈行倏忽若常山之
蛇奮躍若縱壑之鯨耳熟金鼓目便麾纓蒼旌起
而震隊畢舉皓旓揚而坎伍交爭揮赤幟而午營
焚應懸卓纛而子部齊洵坐作進退節以軍聲暗
啞叱咤指顧顏傾天地于焉震蕩宇宙于焉揮轟
山岳爲之撼動海波爲之沸溢吮吮乎氣吞漠北
恢恢乎力舉島瀛然後鳴金肅令以收三軍大宛
乃拗怒而少停焉然餘威之所憤猙積勢之所崩
潰尚晏晏乎其攘臂而未已也 聖皇特養其力
而今止之姑將有所待耳裔乃戰戰兢兢憩息少
甦而方言曰猗今有如此之盛哉中國聖人真天

威也古稱王師無敵此之謂乎遠裔自此不復言
兵矣近臣曰猶未也 聖皇覽六師之畢命于是
升玉帳攢高牙奏凱樂宣鳴笳畫角唢喇鼙鼓揮
撾然後軍正捧籍而至 上乃賞功錄勞寧邇來
遐賑恤邊圉撫綏邦家羣后讓德百辟承嘉孤卿
舉賢庶士無譁雖睦睦德沛中華爰及四夷稽
手拳拳殊區別城海窟天涯各執方物口歎心誇
朝鮮交趾真臘沙華暨夫政朔之所不及德澤之
所未加秦漢之未通譯奉使之未乘槎莫不歡呼

踴躍拜舞婆娑區區若爾國者曾不若太倉之一
粒恒河之微砂茫茫海宇何足較耶裔乃折頤垂
舌而讚歎曰猗歟美哉誠所謂內順外威者矣古
稱神武不殺其殆是歟近臣曰猶未也 聖皇乃
旋大駕回鑾輿按轡從容弭節旋徐遵乎便道返
乎天衢凝神通於秘宮思玄默於宸居觀萬方之
歡娛謂兵端之不可嘉期以輯之而保泰無虞也
乃下明詔頒天書藏弓矢於豹囊飲旌纛於蛟帑
鑄劍戟爲田器銷兵甲爲耕鋤放馬於上林之野

歸牛於醫巫之墟易營壘爲市屢變板屋爲室廬
驥賤駸駸野收蹇驢布盛德於明堂訪至道於石
渠興農桑之本業減服御之珣琚賤工商之淫技
節後宮之珍璵使海內棄末而反本背僞而復初
化行里巷歌動閭閻于是天地訢合陰陽煦燠淳
風宣聖和熙屠蘇天現卿雲甘雨地產靈芝嘉糝
山不童而水不涸洛出書而河出圖阜瀦器車澤
出蓮蒲石列醴泉灑灑神酥南山翔比翼之鶴北
溟賦比目之鯢麒麟遊苑鳳凰棲梧角端飛祿神

羊駒虞條支神雀天寶鸞雛八寶玉斂九尾瑯狐
屈軼莫莢珠實瑯胡乃至蘆萌陪藟蝓螭蠶蠕罔
不涵濡沃澤欣欣愉愉雖聖王不重祥瑞而感召
之理自不可誣登義輶之沕穆洽祈禱之都俞遊
無懷大騁之庭入鉅靈展放之區混六合爲一體
而萬類皆爲之徒宜乎御慶曆握隆符化混一元
妙契三無信乎民無能名焉但見其巍巍蕩蕩矣
乎裔乃頰首頓地曰猗歟神哉皇哉唐哉至矣盡
矣后有作者瞠乎其不可及矣真如天之無不覆

久如地之無不載矣如元氣之運行亭毒而萬物
各得其所矣裔不敢復請再觀矣近臣曰吾與爾
風氣不通語言各殊今特授爾以九章之詩使爾
歸譯而歌之如古之九招九英以播遠夷其一曰
時日昌二曰形勝強三曰軍威揚四曰馬匹良五
曰兵革鋼六曰食貨康七曰陣略藏八曰四夷來
王九曰天地降祥裔復再拜稽首曰請傳誦而不
敢忘其頌曰於爍我 皇受命昊蒼爰舉大閱吉
日時良濛濛湛露皓皓秋陽萬靈翼衛百執奔遑
導襄有赫呵禁不祥言備法駕陟彼疆場連挺交
圻疊嶽重崗美哉山河赫矣保障演茲鐵騎護我
金湯爰整我旅我旅踰踰糾糾虎賁林林龍驤如
熊如羆如垣如墻維國藩屏維王干將我車既攻
我馬既良服茲駟鐵控彼驍驍萬乘駢駢八鸞鏘
鏘薄言御者有文綵繡修我甲兵乃鋒鉞龍盾
虎韞干戈戚揚次拾既同弓矢斯張于以用之思
患預防茫茫甫田秩秩糗糧既堅既實乃染乃金
南金大貝拱璧琳瑯載馳載驅于橐于囊整我

此修我戎行鬱鬱蛇盤翻翻鳥翔儵焉八陣忽爾
六廟王于興師以靖獫狁文教敷兮聖治張武備
揚兮威要荒開王會兮朝萬方執玉帛兮承籩簠
通重譯兮貢越裳單于稽顙兮服戎羌海宇一家
兮咸來王仰玄穹兮俯厘皇協上下兮膺休光四
序調兮若雨暘百穀登兮多稔梁鳳儀舞獸兮和
鳴洋洋諸物畢萃兮降福穰穰千秋萬禩兮詠歌
陶唐

皇極殿賦 并序

粵若 太祖高皇帝受命作京營金陵而定鼎殿
曰奉天迨 成祖文皇北建行宮仍揭前額厥
後因以定都歷七聖而未之或改稽古唐虞繼
治總章合宮各殊名號漢世東西兩都宮殿不
相沿襲迄我 世宗肅皇之季始承天意而鼎
新之榜正殿曰皇極標建極中極以更謹身華
蓋而左右二順則以會極歸極題焉蓋取洪範
五居中宮曰皇極惟皇建極惟臣會歸之義也
大哉皇言于斯爲至矣然時方恭默西寓未遑

暇臨欽惟我 皇踐祚始于斯殿朝萬國而蒞
四海焉惟 皇天錫我 皇以皇極之統惟
皇考貽我 皇以皇極之基天人景從後先光
裕猗歟郁哉昔在帝王創制殿宇臣工必有詩
頌以聲歌其盛周之靈臺尚矣魯之闕宮續焉
乃若何宴之賦景福徒紀魏闕之壯麗適以昭
侈靡示亡度耳魯恭位居東藩乃靈光見於王
逸所贊述者顧僭擬天子又奚法焉惟我 明
皇極之建物彩以別威朴素以崇禮赫赫鬼
平平蕩蕩直軼百皇而獨盛參三極以婉隆者
哉廼作賦曰

惟皇御曆辨方體國重闢明堂創號皇極詎云規
履之壯麗僉曰名義之周敕磅礴黃壤以北塊塘
峽青霄而矗嶺瑤岑碧巘匪乎其周遭象緯龍躔
森乎其旁逼窅天衢之寥廓坦王道之平直其爲
狀也滢滢汧汧鑠鑠弈弈雲龍日耀竊不知簷牙
楣額之幾千萬億其稱名也協箕箒準禹桀包雒
緯之奇文體洪範之奧則萬象周羅而環繞天樞

五位居中而密運乾德儼今亘今四皇大帝而並
域恍兮惚兮參天兩地而作式吁其盛哉余亦烏
能管窺而蠡測第規模之弘遠博碩詞人之敷演
極矣茲將循名討義而商確陳之以俟咨訪于多
識蓋嘗仰而觀法于天碧落虛浮葱翠空靄斯殿
也薇垣端拱而法象中懸旋轉玉衡宰幹璣璣攝
二曜以升沉齊七政而推遷三十二星屯方而列
署二十八宿按度而分躔闢閭闔以啓扉絡勾陳
而張綬茲寔昊皇之垂象于是乎天極立焉俯而
察理于地岳嵩隄崩瀚淪滄澌斯殿也輿圖輻輳
而效法承乾元晶耿耿而中貫坤粹勃勃而洊漣
莫四維而鎮九壘控六合而扼八埏渾大塊以宅
中表崑崙而居巔上接玉樓層臺之十二下該赤
縣寶界之三千茲寔厘皇之莫宅于是乎地極立
焉中而考度于人洪荒抱朴渾沌含玄泰輿大庭
之世有巢無懷之先林居穴處鷗宿鵬眠惟聖作
極民用始全屋廬星周闌闌麟軒然後宅中圖大
矩方規圓鞏河山百二以定鼎環畿甸九一以下

年總章闢而青陽啓明堂敞而重室宣三十六戶
豁乎穹呀七十二牖軒乎攀蜨燁兮嚮南離以重
明巍然象北極而中天茲寔皇王之撫圖于是乎
人極立焉茲三極者寔皇極之所以取則也爾獨
不觀梓人之引繩而糾室也五財並蓄百役兼并
棖題棍栢楠栢栢栢條梁短稅脩戟飛甍璧礎玉
碣文璫金楹樂拱天矯而斗拱櫺檻錯落以星明
惟屋極居棟隆而獨重凜然昭君象而崢嶸是故
易有太極兩儀判而八卦生範有皇極九疇叙而

五福凝人有心極太宇定而安宅寧居有屋極羣
材附而大厦成極之名義大矣哉匪皇皇我后
曷以顯錫斯名方斯殿之鼎新也定星炳耀日昃
流明天帝下觀太乙垂晶勅公輸督墨而削繩詔
離朱馳巧以騁晴工共總其矩度匠石察其軌程
黃道開而紫微朗豹尾潛而鶴禁清天時極其良
矣太行西來而列堵滄海東匯以環瀛黃河百折
承其前雷天壽萬仞墮其後屏白虎蹲序而躡蹠
青龍繞棟以拳擎地勢極其雄矣庶民子來百工

趨爭輸財應倏協力霆轟巨石騰巖而迅舉神木
走陸以遐征曾歲月之幾何允不日而落成人謀
其臧矣憲宵旰以結構摹太階而縱橫雙闕凌
雲愧蓬萊射日之銀榜八柱擎天儼芙蓉接露之
金莖規制極其弘矣左達文華右通武英東壁則
揭璇題于文昭西奎則標璘扁於武成弘政顯其
世棖宜治名其旁閎顧瞻皇極萃業業以獨聳鞠
鞠巍巍其高瞻望丹青而灼爍燦文石以光瑩覆壓
黃混括摩蕙菁中極圍團而上規圓蓋建極深奧
而內接乾清體統極其尊矣于是吾皇乘累運
握昌符膺寶曆撫瑤圖展皇猷而儼然臨御斯殿
也玳瑁旁注冕旒前垂法乾坤以懸象章日月以
陳儀被龍袞之綵繪障雉翟之菱蕤凜顯若於黼
展時沉潛乎杲思運紫樞而不宰拱玄默而無爲
象天極也行中采齊節應琳瑯秉介圭以步武鳴
佩玉而鏗鏘廊厚德以載物持鎮靜以居方法地
極也正身示範端軌率物肅閭闈以風化基重邦
畿而樹表式首肇修乎人紀覃敷叙乎天秩立人

極也無思無爲惟默惟玄運動靜以闔闢舒極紐
而轉旋凝精于冲漠之庭遊神於象帝之先涵太
極也靈臺炯炯丹府融融闢四門而洞達開八牕
以玲瓏聳空中之樓閣恍象外之玄宮疑心極也
寄工師之求木採大匠之斲輪濠梁以負鼎任
柱石而秉鈞獨總攬乎洪綱爰出平綵綸隆棟
極也承上天之陰陽恢皇謨而作極敬用五事義
用三德宣八政以勤民察庶徵而省惕致審于雨
暘寒燠尤重于師祀貨食所以法洪範而敷皇極

元遠樓集

卷之一

七

也至若玉漏聲達庭燎輝煌皎月光而入戶聽雞
鳴而未央聆車馬之璘璘勤宵旰而遑遑時未朝
而居中極也羣工方退萬機暫逸覽封章以延納
進嘉猷而採擇佇遠蛇之餘閑受啓沃之茂益時
退朝而居建極也仰瞻朱扉俯視彤楹省三櫺之
昭戒顧虛器而持盈苟一木之內蠱將大廈而頽
傾凜若疊卵兢若履氷觀丹銘而思保極也時臨
青陽日拱紫宸因天時以出治順月令而敷仁惠
澤流于鰥寡懷保普于齊民用欽時而錫極也遵

道遵路是訓是式蕩蕩而無偏無黨平平而無反
無側民無淫朋人無比德庶民化而協極也五侯
九伯六服羣辟罔不會同咸來述職履玉墀以趨
蹕仰耿光而覲覲歡呼高嶽莫獻玉帛萬邦朝而
會極也南漸丹崖北垓紫漠東濱扶桑西底大磧
雕題窮髮之邦貫胸穿耳之國航海梯山象象重
譯稽首闕下各執方物四夷來王而歸極也鳳凰
巢于阿閣麒麟遊于苑囿萱莢產于階除蓮蒲生
于庭墀卿雲爛熳以繞殿甘露霏微而綴霄珍禾

元遠樓集

卷之一

二

佳穀列室而停貯野蠶八繭尚軒而疊奏和氣協
于上下而治道底于極也嗟乎古昔臨御之君物
極則反勢極則傾滿極則洩畜極則盈泰極者否
形治極者亂萌歡榮極者悲來侈靡極者盈生惟
我 皇之純德歷終始不渝而蕩乎難名丕續
二祖之光祚克享累世之盈成其諸追天皇地皇
泰皇而相與遊行參乾極坤極人極而獨持權衡
有歟許曰惟皇建極作京營室效彼蒼兮巖薛峽
嵒嶠翠峯岫以昌兮霽霽寂寂靈靈歎歎鬱而

揚兮龍翔蟻蛄鵬掀鯢喻翼其張兮宸居沕密穆
清蒸默儼垂裳兮軒祁風力夔龍高樓明且良兮
都俞吁咈贊襄啓弼謨則臧兮鼎固盤石浩劫罔
斁祚乃光兮惟辟王食歛福錫極壽彌康兮會其
有極歸其有極永無疆兮

登岱賦

歲亦奮若首夏上辰太史卿得請於 天子扶侍
我太叔人休沐陽羨舟次任城高樓鑿景酒星曜
儀屬千百觀羗惚恍兮有馬駢駢有鯨鬐鬐其風

未遠樓集

卷之十

七

颯然若有告台將登岱山趣駕而偕爾肯碧落朱
明遶壁蔓綠驛樹嵐光風舉蒼蠹飲馬于南池
兮夕按轡于曲阜攬少陽之扶光兮弔魯邦而舒
懷周僖漢恭故蹟殆朽路寢靈光猶繞所公與天
地竝疊疊一叟殿閣于霄松柏揭日靈颺溯滂鐘
鼓琴瑟百川東遶洙泗西濤匪溟曷庭匪岱曷宅
手燭旃檀裒回顧瞻其來其還有巖巖千穉一
儀兮鳳鳥君不來兮吾將老歛續紛兮青帝之旌
戲俄旖旎兮玉女之旗纛虬龍瘞霧以先驅兮萬

集博風而清道白鹿鳴而予覓公靈作而瞽眇
珎玉聲兮佩環踏金光兮瑤草願隨而卽之乞
仙藥以補剗齋泰安之精廬出登之穹門朱屏
敞其赫燁嵌坂沓而璘珣循谿紫雲兮各屈肱馬
回峻磴龍歎重峽筍輿幽隱身世 視垂墮
周覽無窮凹凸萑苕而石滑兮偏促辭而煙汎
十八盤天雲盪曾翠屏礪倂垂斷得通條出有
而入無遂登天以御風敲渾沌破瑤濛太清了了
三十六宮境寥泬而心閒寂兮忽其萬石激而礧
礧見秦皇漢武所埋玉牒厥土倅崇峴而白雲光
景互天若飄騫松櫟龍矯而出封中闕三千歲而
始出元氣叙其若濕精華輪囷怪異戢晉紛乎其
不可拾也醺酒潤澤鏤紋作喇崑崙紫敷紅日旣
頰日觀峰高明星就摘清夜旣半洞黑無涯極東
芥子歛其若閭疑吾神以宴坐忽觀影而自情攬
渥赭于衣裳俄石室之蓋赤西北寢昏天地曖曖
一線東來鉅而如帶獸受其光俾我歌歎思惟禪
定于巖窟兮白毫宛轉而內照爾時天雞三喔日